



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Communi Martyrum. II.

urn:nbn:de:hbz:466:1-40244

Diximus etiam *Secl. 5. cap. 7. num. 4.*
pag. 74. Antiphonas significare charitatem; quae resulst in Apostolis super alios, ut meritò abundare debet Antiphonis eorum Officium, & nouis. *Charitas Christi urget nos,* aiebat Paulus aliorum nomine. In Nativitate S. Ioannis Baptizæ idem fieri non nego; imò & inde fieri puto, quia missus à Deo, id est Apostolus, ipse quoque fuit Christo carne propinquior & mente. In Festo quoque plurimorum Martyrum idem fit; quia maiorem charitatem nemo habet, quam, &c. & vbi plures colluntur Martyres simul, multiplicata charitas per Antiphonas plures indicari debet, quod anticipatè monimus hoc loco, ne idem repeta-
mus infra.

6. Lectiones pro Euangelistis in primo Nocturno addidit Pius V. con-
gruentissimas; reliquæ erant in vsu. Sed
Lectiones 3. Nocturni cum Euange-
lio de missione binorū Discipulorum in duobus Festis leguntur, Marci ni-
mírum & Lucæ; qui quasi bini scri-
ptores mittuntur ad messem.

7. Tempore Paschali æquum erat, ut Apostolis, qui virtute magna reddebat testimonium Iesu Christi, daretur Officium lætitia plenum; quibus & promiserat Christus gaudium plenum. Durandus indicat mutationem hanc Officij libro 7. cap. 45. Pius V. diuinit Hymnum in duas par-
tes, ita ut altera in Laudibus cantari queat cum varietate; ordinavit me-
lius Responsoria, restituto primo, quod reiectum fuerat, citatum à Du-
rando *supra*. De vna Antiphona cum tribus Psalmis, vide *Secl. 5. cap. 7.*
num. 5. pag. 74.

De Communi Martyrum.

C A P. I I.

Martyrum Festa antiquissima sunt, Clemente teste lib. 8.
Apostol. Constit. cap. 39. &
vidisti in Sectione precedenti.

2. Alij sunt Martyres Pontifices, alijs non Pontifices; & utrisque datur Officium commune, excepta Oratio-
ne, & Lectionibus primi Nocturni,
A Mileto: quæ leguntur tantum in Festo Martyris Pontificis, cui congruit ea narratio de Paulo recedente ab ouibus. Itaque in Festo Mart. non Pontificis leguntur aliae, quæ habentur in Communi plurimorum Martyrum, de Epist. ad Rom.

3. Lectiones 2. & 3. Nocturni plures sunt in Communi posite, tum ad varie-
tatem, præsertim infra Octauas; tum ad proprietatem, quia in Missali diuer-
sa Festa diuersa habent Euangelia.

4. Dices: Quid agendum, quando in Missa legitur Euangeliū, cuius Homilia, nulla habetur in Communi? quo-
modo concordabitur eo casu Officium cum Missa? Respōd. Legenda erit Homilia, quæ fortè in Proprio Sanctorum habetur; ut Homilia super Euangeliū. *Nihil opertum, &c.* quæ habetur in Festo S. Polycarpi. Quod si non habeatur in Breuiario, veluti super Euangeliū, *Nolite arbitrari, vel, Qui vos audiit, me audit,* & similia; recurre ad Octauarium Romanum, in quo ha-
bentur Homilia de quocumque Euangeliū quod habetur in Missali: si Octauario careas, lege in Officio Homilia Euangeliū, quam habes in Communi; & in Missa deinde idem Euangeliū leges, iuxta Rubricam quæ in Missali habetur post primam Missam

Z de

de Communi vnius Martyris Pontificis; in qua conceditur usus Euangeliorum quae in eodem Communi afflignata sunt, ita ut liberum sit legere in Missa quodcumque Euangelium, de eodem tamen Communi sumptum.

5 Responsorium proprium post nonam Lectionem possum pro Festo quinque sanctorum Martyrum Pontificum, *Domine preuenisti*, non est, ut putant aliqui, ad excellentiam; sed ad vitandum mendacium in eo Responsorio futurum, si in eorum Festis recitaretur, *Hic est vere martyr, qui sanguinem fudit:* cum iij perierint quidem, sed non effuso sanguine, ut ex eorumdem historijs pater, Marcelli, Ioannis, Siluerii, Pontiani, & Martini. Consule Lectiones eorum in proprijs Festis. Adde ijs, ob eamdem cauam Festa nouem Lectionum S. Felicis in Pincis, & S. Melchias Papae, ubi celebrantur. Hac eadem de cauam voluisse aliqui in praedictis Festis mutari Versum in Hymno Vesperarum, *Fundensque pro te sanguinem;* sed Poëtis idem est ac fundens vitam, quae est in sanguine.

6 Totum Officium de Communi vnius Martyris, quo nunc utimur, habetur in Breu. M.S. & 1550. Durandus indicat eadem Responsoria lib. 7. cap. 45. Pius V. reformauit Lectiones tantum.

7 Commune plurimorum Martyrum idem est, quod in antiquis Breu. M.S. & 1550. Pius V. decreuit primas Lectiones de Scriptura, mutauit alias in aptiores.

8 De fine Hymni, qui dicitur post Invitatoriū (etenim proprius finis est) diximus, numquam cum mutari, *Sectione 5. cap. 6. num. 13. pag. 73.*

9 Responsorium post nonam Lectionem pro fratribus Martyribus,

Hec est vera fraternitas, non dicitur vñquam, nisi vere iij sint fratres secundum carnem. Quod si cum fratribus carnalibus celebrentur alij non fratres in eodem Festo, non dicitur, quod nota in Festo sanctorum Placidi & sociorum: quamuis enim in ijs duostri & soror simul obierint, aliorum non fratrum causa illud omittitur. Neque dicas, in Breuiario non adnotatum fuisse dictum Responsorium in Festo sanctorum Placidi & sociorum, quia vnicam Lectionem habent, quah illud positum fuisse, si duas, ut in Festo sanctorum Gerualij & Protasij, Pimi & Feliciani: nam in Festis SS. Faustini & Iouitæ, Marci & Marcelliani, quæ vnicam Lectionem habent, ane camdem notatum est idem Responsorium, *Hec est vera fraternitas*, in editione Breuiarij Vaticana 1608. precedentibus editionibus emendatore.

Obiecerunt aliqui, quod in Missa sanctorum Nerei, & Achillii, Domitilla atque Pancratij dicitur post Epistolam, *Hec est vera fraternitas*; & nomen certum est, eos omnes non esse fratres secundum carnem. At non vale illatio à Missali ad Breuiarium: & præterea Missa illa erat antiquitus de duabus fratribus Nereo & Achilleo; Pancratius habebat Missam propriam; Domitilla addita est à Clemente VIII. qui recognouit contigenda, non mutant congruentia, & quæ rationi posteriori conlona forent. Potissimum vero fit eo die Festum de Sanctis fratribus, ut ex Euangelio & eiusdem Homilia constat.

Dices adhuc: Symphorosa mater est, & cum filiis habet hoc idem Responsorium. At Festum hoc in rigore est tantummodo filiorum, & fratrum, qui die 18. Iulij obierunt; mater autem

tem pridie, ut patet aperiè in Lectione
tertia illius Festi.

10 Inter utrumque Commune vnius
& plurium Martyrum rectè colloca-
tum est aliud Commune Martyrum
tempore Paschali, ut esset Commune
utrisque: ratio verò, cur Martyribus
Officium Paschale tribuitur, à S. Am-
brogio assertur in *Sermoni qui in eo-*
dem Officio legitur: Dignum est, &
congruum, &c.

11 Pius V. nihil mutauit, nisi pri-
mas Lectiones & secundas sancti Am-
brosij, & S. Cypriani, addiditque Ho-
miliam ad aliud Euangelium Pascha-
le, *Ego sum uisus, vos palmites*, pro
varietate Euangeliorum in Missa le-
gendorum, ut Officium deinde con-
cordet cum Missa.

12 Hymnus, *Rex gloriose Martyr-*
um, dicitur etiam in Vesperis, omisso
illo, *Sanctorum meritis inclita gaudia*
(qui alioquin non discordaret à gau-
dijs Paschalibus;) tum, ut cantari pos-
sit cantu *Hymnorū Paschalium*; tum,
ut possit mutari finis Hymni more
Paschali, quod est peculiare in Officio
Martyrum, non autem Confessorum,
in quo dicitur *Iste Confessor*, metri di-
uersi, ob rationem à S. Ambrosio
allata in suprà num. 10.

13 De Antiphona vna & tribus
Psalmis in unoquoque Nocturno, di-
ximus *Sect. 5. cap. 7. num. 5. pag. 74.*

14 Quæ desunt in Comuni Pascha-
li, sumi debet ex Communi extra tem-
pus Paschale, ait Rubrica; sed intelli-
ge, quoad Lectiones tantum primi
Nocturni: nam in secundo non bene
conuenient aliae, quæ leguntur extra
tempus Paschale; nisi infra Octauam,
ad varietatem, ut dicitur in Octauario
Romano *infra Octau. Martyrum tem-*
poris Paschæ post quartam diem.

De Comuni Confessorum.

C A P. I I I.

1 **C**ommune Confessorū Pon-
tificum est idem quod in
Breu. M. S. & 1550. paucis
exceptis: nam Pius V. legi iussit de
Scriptura in 1. Noct. addiditque
alias ad calcem pro Octaua, vel ad va-
rietatem in Festis; è quibus primæ illæ,
Laudemus viros gloriosos, deseruire
possunt in Officio plurium Confesso-
rum simul, si alicubi occurrant.

2 Pro Summis Pontificibus Con-
fessoribus vnicæ est differentia ab alijs
in Antiphona ad *Magnificat* in secun-
dis Vesperis, qua utimur in Cathe-
dra sancti Petri, in qua federunt suc-
cessores eiusdem: *Dum effet Summus*
Pontifex, &c.

3 Pro Doctoribus extat Antiphona
propria in utrisque Vesperis ad *Ma-*
gnificat, O Doctor optime; quæ habetur
in Breu. M. S. & 1550. Pius V. addi-
dit Lect. 1. Noct. & 2. mutauit Lectio-
nes 3. ut pro Homilia sancti Hiero-
nymi legatur ea quæ est sancti Augu-
stini. Clemens VIII. adiecit octauum
Responsoriū, *In medio Ecclesie, &c.*

4 Commune Confessorum non
Pontificum est idem ut in antiquis
Breu. mutauit Pius V. Lect. 1. Noct.
ut essent de Scriptura, & secundi
Noct. in magè proprias, ex Io. Chry-
st. alias adiecit de more, ad varietati-
tem in Festis, vel pro Octaua. Ora-
tio *Adesto* habetur in Sacramentario
Gregoriano.

5 Quando fit Festum plurium Con-
fessorum, siue Pontificum siue non
Pontificum, datur facultas mutandi
verba tum in Oratione, tum in Ser-
monibus, ut sonent numerum plura-
lem;

Z 2 lem;